



赤城前集

赤城集
明刊
之本



赤城集序



天台山至晉孫興公始傳晉以前不知幾千年矣何傳之晚也自晉以來歷宋齊梁陳隋唐天台人物見簡冊落落總十數入本朝始漸盛南渡迄今始益盛

而距晉亦且千年矣又何盛之
晚哉得非發露之驟者盤鬱淺
韜晦之久者培養深氣脉俟時
數而轉旋文獻由風化而薰灼
儻會至而機動自有不容掩遏
者邪由今視之獲行者勲業者

風節者文學者或旁睨其藩或
深入其奧徃徃而不乏矣而又
官守者寓游者於此多瑰傑焉
紀興建者寫光景者於此多膏
馥焉今而徃不更洋洋乎哉夫
有所待而發者時也風化之所

召也有所萃而存者書也亦風
化之所關也初康吉林君詠道
類天台集子逢吉續之而詩之
屬天台者無遺矣資窓陳公壽
老修赤城志逢吉又續之而事
之屬天台者無遺矣獨記序書

傳銘誄贊頌之文天台集不暇
載赤城志載不盡者逢吉復分
門會粹并詩為一號赤城集凡
若干卷而前後太守丁侯璠沈
侯墜為鏗之梓於是前所謂獲
行者勲業者風節者文學者官

守者寓游者紀興建而寫光景
者一啓卷咸彰彰焉蓋自有宇
宙至晉不知幾千年自晉迄今
亦且千年而天台人物之盛纔
得萃於此書君子推奉之以爲
是本朝風化之所召台之大夫

士讀是書而知其故必將慨然
奮厲期無負君師以自昭於不
朽孰謂於風化無關乎逢吉名
表民淳祐八年八月既望朝散
大夫新除直敷文閣江南西路
轉運判官兼權隆興府吳子良序

大夫條前直建大國以商西說
大夫條前直建大國以商西說
大夫條前直建大國以商西說
大夫條前直建大國以商西說
大夫條前直建大國以商西說
大夫條前直建大國以商西說
大夫條前直建大國以商西說
大夫條前直建大國以商西說
大夫條前直建大國以商西說
大夫條前直建大國以商西說

赤成集總目

陳忠肅公權南劍人嘗編管台州二首



陳古靈襄候官人嘗為仙居令四首

章校書望之武寧人一首

蘇文忠軾眉山一人一首

蘇長史舜欽一首

羅提刑適寧海人一首

朱文公熹新安人一首

赤城集卷終目
呂東萊祖謙金華人一首

葉水心適龍泉人七首

趙丞相汝愚上饒人嘗知台州一首

楊誠齋萬里廬陵人一首

陳龍川亮永康人一首

吳康肅芾仙居人一首

石南康整臨海人二首

陳侍郎公輔臨海人二首

樓叅政鑰四明人嘗知台州通判四首

王大田象祖臨海人四首

張秘書布臨海人二首

王侍郎居安黃巖人二首

陳箕窓耆卿臨海人十首

吳荆溪子良臨海人十五首

杜清獻範黃巖人二首

陳叅政騫臨海人一首

周學士必大江西人一首

方剛修行可寧海人二首

尤尚書遠昆陵人嘗知台州四首

唐朝請仲友東陽人嘗知台州三首

洪丹陽興祖一首

劉祭酒煊一首

謝觀察采伯一首

洪通判适鄱陽人二首

石中丞公孺新昌人二首

姜教授容二首

俞教授建四首

黃龍圖裳一首

包提刑恢嘗知台州二首

蘇從事夢齡一首

陳通判觀二首

元郡守絳錢塘人一首

張校書奕一首

曾教授會魯郡人一首

黃宣德速一首

方教授暎一首

樓大理觀臨海入二首

趙推官師田一首

陳古鄭墳一首

李朝散宗池一首

馬都官仲甫一首

趙大梁汝回二首

謝永嘉雱一首

黃縣尉閣一首

彭縣令仲剛一首

方進士沂一首

京御史鐘一首

林長溪仰一首

蔡永嘉範一首

謝上蔡直一首

韓穎川元吉一首

許錫山景隆一首

趙縣丞善宿一首

樓承奉府一首

劉栝蒼倚友一首

錢主簿惟演一首

李都尉防一首

李教授翔二首

范知州說一首

謝朝請升俊一首

賈教授南金一首

王教授謙之二首

應教授椿年一首

孫管勾實一首

魯教授 嘗一首

李大理 慶孫一首

陳提舉 淳祖一首

周西麓 端朝一首

陳教授 振孫一首

王大理 子興一首

林縣令 師蘇一首

鄭朝奉 公鯉一首

宋進士 誠一首

王沂國 藝一首

林竹邨 師點 東魯人一首

董御史 亨復一首

陳知縣 振之一首

王雙溪 謙一首

沈東陽 振一首

王主簿 淥一首

李縣令知微二首

李司錄昌齡一首

葉提舉棠一首

趙古沐師夏二首

陳朝奉貴謙一首

王汝陰鉉一首

趙東里蕃一首

王汝陰瀛清一首

高中奉文虎一首

齊郡守頌一首

額縣令度一首

張縣令端一首

曾朝散丰一首

張縣令景修一首

王松臺綽一首

趙郡守必愿一首

王縣令然二首

王縣令然一首

王縣令然一首

王縣令然一首

王縣令然一首

王縣令然一首

王縣令然一首

王縣令然一首

赤城集目錄

卷之一

台州新城記

台州重修城記

重修子城記

築城議

上丞相論台州城築事

台州雜記

臨海風俗記

卷之二

台州興修記

台州重修社稷壇記

台州郡治聽壁記

上宰執論台州財賦

卷三
台州重建便聽記

台州通判聽題名記

重建台州通判聽記

台州添差通判聽壁記

台州推官重建聽事述

台州新造刻漏記

推官聽題名記

卷之三

重建錄事聽石記序

台州司理參軍題名記

台州司之乘壁記

台州重建衙樓記

臨海縣廳記

臨海縣廳壁記

臨海縣重建縣治記

臨海縣重建宣詔亭記

臨海縣重建縣治記

臨海縣尉聽壁記

尉思隱軒記

黃巖縣聽壁記

黃巖縣重建聽事記

卷之四

黃巖縣知縣續題名記

黃巖縣尉題名記

重建黃巖縣尉聽記

天台縣題名記

仙居縣令聽壁記

仙居縣題名記

仙居縣重修尉聽記

仙居縣主簿聽記

寧海縣尹題名記

寧海縣丞聽壁記

寧海縣主簿聽壁記

寧海縣新建衙樓記

卷之五

丹丘州學記

州學記

台州重修學記

台州重修學碑

台州重修至聖文宣王廟記

台州鄉飲酒記

台州州學歲監書記

州學更造釋奠祭器頌

卷之六

州學建武齋記

州學教授題名記

台州新給贍學田記

台州增學田記

增學田記

州學增高塗田記

州學登科題名記

登科續題名記

增造貢院記

臨海進士登科題名

卷之七

天台縣學記

天台縣文宣王廟記

寧海縣文宣王廟記

仙居縣學重修記

台州補軍額記

台州奏行萬戶記

新建塩倉記

台州支塩聽壁記

杜瀆塩塲重修聽記

臨海縣獄記

卷之八

重修黃巖縣獄記

台州州學三老先生祠堂記

州學六賢祠堂記

思賢堂三讚

四先生祠堂記

陳忠肅公祠堂記

台州羈管謝表

黃巖縣學三賢祠記

上蔡祠堂記

卷之九

郭孝子祠堂記

臨海縣城隍廟記

重修仙居城隍廟記

三台祠記

宋郭孝子碑

石藤石稜二夫人廟記

義靈廟碑

韋溪先生祠堂記

卷之十

浙東提舉兼台州葉寺丞生祠記

蒼山廟記

台州臨海縣靈康廟碑

後梁宣帝祠記

唐臨淮王李武穆廟碑

董將軍廟記

壽台樓賦

卷之十一

臨海縣泰安館記

神秀樓記

鎮安廟新建景福閣記

台州城隍封告

清平閣記

分繡閣記

玉霄亭柱記

重建萬壑風煙亭記

清風亭記

飛躍亭記

岸幘亭記

梁源蟠松亭記

卷之十二

霞起堂記

節慶堂記

思慶菴記

重建青青堂記

與清堂記

州學沂詠堂記

靜治堂記

雙清堂記

安洲驛記
陳氏本價莊記
台州謝子暢義田續記

卷之十三

延慶院免科折記

州治浚河記

修東湖記

黃巖浚河記

新建中津橋碑

重建中津橋記

重修中津橋記

新建利涉橋記

天台臨川橋記

卷之十四

桐山石橋記

重修桐山橋記

南塘記

縣學新泉記

放生池碑

薛公井記

八景樓記

應心泉記

康濟泉記

節孝巷記

朱氏族表門閭

東巖堂記

卷之十五

雪巢記

香遠堂記

東與書房記

康吉堂記

盡美亭記

卷之十六

雲海觀記

藥園小畫記

松山林壑記

劉阮洞記

委羽洞記

卷之十六

有宋八行先生徐公事畧

杜孝子傳

徐季節先生墓誌銘

方山隱士杜君壙誌

草廬先生墓誌銘

大田先生墓銘

竹邨居士林君墓碑

四朝布衣竹邨林君墓表

卷之十七

委羽居士集序

方岩王公文集序

雪巢小集序

雪巢集後序

石屏詩集前序

石屏集後序

題陳壽老論孟紀蒙

題陳壽老文集後

赤城集卷目録
卷之十八
桑澤卿莫菴詩集序

曾使君新詞序

貧窳續集序

赤城志序

卷之十八

赤城續志序

赤城三志序

養濟院創置修復本末序

送滕子勤赴衢州司錄序

滕侯守台頌并序

送葉孟我官寧國序

大成殿奉安先聖文

勸諭文

黃山名勸學文

仙居勸學文

台州壽台樓記

赤城集卷之十一
跋淵明詞贈卓契順

赤城集卷之一
台州新城記
蘇夢齡

自昔天下有大蓄大患民敝且死而仁人任職
能禦捍之者未嘗不見於文辭也慶曆五年夏
六月臨海郡大水壞郭郭殺人數千官寺民室
倉帑財積一朝掃地化為塗泥後數日郡吏乃
始得其遺眈於山谷間第皆相嚙號哭而莫知
其所措主計田侯瑜聞之震驚亟乘傳而至籲

衆感而視之問其食則糠覈而臭腐焉問其衣則藍縷而顛倒焉問其居則草茨而漸洳焉橫屍塞于衢窮盜充斥于郊乃喟然曰茲不可以久生矣繇是移文其鄰質遷用度以衣食之相奠厥居躬自安輯然後民始知其可造之漸且先以章言狀朝廷得章而憂蓋以水不潤下之診因以必復之責屬於外臺故所請亡不獲于時司憲王侯偕亦接迹而會焉姑相與言曰茲殆

小康矣今可圖其大者於是始議城之俾監軍王世雍錢塘從事曾公望慮其事度高厚致徒庸籍糗糧訂材用將以授于有司然思夫臨之以為成命者非擇賢則莫可遂請以太常博士監新定郡彭思永權守之秘書丞定海宰馬元康為之貳已乃量功命日屬役賦文分僚職而帥焉繇西北隅以黃巖令范仲溫專掌之從事趙克參綜之西南隅以臨海令李旬專掌之從

事蘇夢齡參綜之東南隅以寧海令吳庶幾專
掌之從事褚理參綜之東北以臨海尉劉初專
掌之決曹魏中參綜之其址凡環數里而四隅
三面壤界相屬惟北面以破山而闕焉城制雖
存然實巨防也中以仙居令徐赴專掌之獄掾
宗惟一參綜之又命司邏喬筠邢昭素宋世隆
迭番譏呵以警非常會世雍換丹陽而新監軍
胡禎代終厥緒彭侯感厲撫綏諸大夫各祇所

職役徒忘勞三旬而成群議又曰城則信美矣
然萬分之一復懼水災而激突差久則懼其或
有頽者不若周之以陶甃則庶幾常無害歟外
臺然而行之曰雖重疲吾民其利至博也已惟
黃巖令曰陶甃雖固猶未如石之確也乃請兼
用石役將興田侯親按勉之士志增倍主計李
侯仲偃司憲李侯雖領部惟新而寔協心同功
良無間然新將元侯通守黃侯繼以循吏之選

懷保捐瘠而慮忠計遠一方寃度背春涉冬厥
墉甫畢論者咸曰休哉仁人之經營也始終之
畫無一不適於宜費費不踰千萬而國之大事
立焉使斯民知免於阨而日就蕃育其施何如
夢齡不佞雖知此微烈當書太史而欲有以永
台民之傳故妄志其大略云

台州重修城記

呂祖謙

臨海郡南東西三方岸江湖秋水時至北限大

山威之不得騁怒齧隄足生聚廩廩將城以為命
距海餘百里逋亡剽俠之所遭惡歲輒睢盱州
淑睥睨郭郭微警者不敢弛析故閉修之政在
是郡為首務蓋所以遠蕃害銷姦萌非徒區畫
封表備侯邦之制也慶曆之水幾不為郡元章
簡公絳來守城復立宣和中盜發仙居闕虛架
入突薄欲登時則有戶掾滕君膺帥厲吏士圍
以方畧寇不為志父老紀焉乾道九年里旅不

戒於火延及郡城堵墮甃弛徑踰無禁蓄氣未
格民譎不寧間一歲太史趙侯汝愚自信徙鎮
暇日循行腐落屬丞掾而告之曰置守所以衛
民顧屏蔽廢徹若是其何以待不虞土功於古
雖有常律傳春秋者復出啓塞從時之例豈非
城闔之啓閉寔有邦之大紀隨時築治有不得
而已者邪况杜城之卒月粟歲帛凡以為此益
其廩而寬其程宜無不可以是軍事判官蘇延

壽慶役要司輦輦金轂之稽兵馬都監胡勝督
裁巡功察其勉與不勉者命群有司各保其所
奠地守傳衆力俾增卑簿塗塞空郤環城諸門
作新者四曰鎮寧曰興善曰豐泰曰枯蒼脩舊
者五曰崇和曰靖越曰朝天曰順正曰延慶起
淳熙二年六月癸酉訖閏九月戊辰系日積工
凡一萬五千三百七十有六大抵取具於壯城
之籍閒民願即工者厚疇之不欲勿彊會其數

眎役兵財十之二銀斷鎔堅黜聖之工界儻直
如其數醪醴之饋勞來之問相及於道其材瓦
石甍之用積二十一萬七千九百錢以貫計米
以石計者合四千六百有奇維侯憂民急病之
意既達於下而精知周慮又足以綜理之故公
無羨費民無留力工無餘技役事首尾歷再時
版甍竝作觀堞堀興而近郊之田初未嘗釋隴
畝也始侯之至詔奉計最朝十月報政之期甫

半歲而羸或謂是邦特侯假道休沐之地繕營
之鉅者必姑存以須後乃獨於入國阡陌未習
之時驟舉力政百年之蹟成於指顧邦人德其
賜而樂其成請書勞於石抑不知因事而功見
已事而迹泯一壘培之緒業於侯何有哉至於
不以久暫易意耿然長慮於耳目之外以無負
於寄委識此者蓋亦鮮矣遂書以諭台之君子

重修子城記

王象祖

子城東自鼓樓踰州學過東山閣包臧官廳歷
玉霄亭入於州之後山西自鼓樓介于內外班
之間內外班錢氏有國時子弟為守親兵所居也而長於內外班曲
而為洞門又曲而依於大城今越帥徽猷即中
葉公之再造台邦日以修城之餘功修之也初
子城堙於園閼蝕於民居寢寢侵寢削而又乘以
巨浸剝落無幾乃出遺址展間巷定丈數立表
識器利用備築之登登甃之稜稜或帶之抱或

翼之展或繩之直物采炳耀威儀章嚴侯度改
觀矣既成將筆之於石或謂物大者體必重力
微者事亦輕舉其重則輕可略環台城而新之
既銳諸珉矣因大成而及其微不書未缺典也
故大城東西南三面為丈二千四百有奇州後
北山城為丈九百有奇而子城之丈不過三百
有六十積長較短曾不能十之一也方城增高
加厚挺高斷深邊江廕水包山越谷其用物也

洪矣其取功也多矣子城量材數力曾不能五
十之一也大城水潦每降江潮互凝春撞無時
傾圯有自不遠其防曷善其後於是為長堤一
千四百丈以捍城足涉江之西有盤石潮汐上
下翻濤攻擣長堤復慮其難恃乃撒椿於江深
踰二丈累石於椿結成三壘復以捍堤以牛練
生以水試滲萬杵同力百材共良門關如鐵雉
堞可礪發掘所至監紹定之水力功物可施增

至和之人謀精神心思盡於此城而子城因平
地施版築費公之規畫曾不能百之一也若何
而筆嗟夫談曷其易郡國之立城郭惟重重則
俱重孰為彼此魯城中城春秋屢書鄭郭之入
說者謂郭者郭也內必有城矣然則城有分於
內外無分於輕重明也且作者必紀以有俟也
紀而獲傳以有考也有千年之州治必有千年
之保障並存並久一成不隳豈非後幸而城復

于隍泰必有否山附於地剝乃先復變與時會不能無也然否終歸於泰剝必繼以復者以前作後述有傳有考書契所以有功於天下也自慶曆至紹定浩浩蕩蕩幾二百年而載見豈數乎事之方殷千里一壑懵不可究有一儒生茫搜遺迹得蘇君茂齡修城記於倅聽面壁之刻碑模以片紙如獲千金數而不足證則子城與郡咸休存片石於樓側之隙地公之功固多矣

數而或有證則隙地所存片石可考功不又多乎故子城之記書之詳辭之後於公之功巨細不遺以俟後人雖獲罪於或者之論不辭也公名崇字次魏乾道丞相之孫詳見於生祠記

築城議

陳觀

自古城邑或圯于水但聞遷居以避患不聞補築以俟患契湯仲盤展轉於商亳耿相之間一時大家世臣盡舉以遷不憚夫勞苦者誠不欲

赤城集卷一
九
盡劉其民聚無辜於受死之地也赤城置城中
山之麓背負大固山天台仙居二水併流直衝
城下每遇秋雨時至海潮怒漲官吏閉城捍水
如禦巨寇慶曆間嘗一大圯殺人萬餘不仁哉
此城再築也舉萬民葬之魚腹未愾又聚魚腹
之遺子以傳孫坐待今日之禍嗟夫慶曆以前
事遠不能詳也今去慶曆耳聞目見猶可接也
况南渡以後生齒日繁柰何又欲今日遺子若

孫俾後之視今亦猶今之視昔為人臣者以天
灾為不常至不為國家遠謀恐不可謂之忠臣
為長吏者徇目前之苟安不為聞之朝廷施實
德於民恐不可謂之良吏為父祖者以慶曆距
今百八十餘年為已遠不遺子孫以生生自庸
者恐不可謂之慈祖父觀二年竊祿其地歸卧
衡茅猶未浹歲遽聞此變實為痛心未免犯衆
忌拂衆情言城不可補築招禍惟有位及闔城

之父老實圖利之

上丞相論台州城築事

陳耆卿

某等生長台城切見去秋水溢之變亘古未有其間委折當已備徹鈞聽大造矜憐推視溺由已之念蠲租弛禁移粟散財務使厚德深仁決于存沒誠不幸中之大幸矣然自遭巨變以來死于溺者既不可生而生者復憂死勢甚岌岌臺郡愛民體國必有以其實上聞者今不敢贅

惟是城築一事係闔城生靈之命利害最重敢不避煩瀆言之某證得本州雖居萬山之間而實瀕大海之角每遇海潮大汎與山水迎合則城外之水已常及街或值淫霖山水暴漲則城中園闌之水便溢半壁蓋不獨去秋極潦可畏而常年固患苦之也所以蔽其南北者幸有兩山而所以捍其東西者幸有城爾往歲慶曆之水死者良衆然視今日總十之一朝廷極力拯

卹尤以城為重事至命憲漕倉三使者同司督
察而一郡之寮屬與五邑之令佐分隅受任者
凡十有七人計度經營井井有緒蘇夢齡之記
可覆也次年秋水之至太守元章簡公又增之
至至和之元年守孫礪又增築之嘉祐之六年
守徐億又增築之淳熙之五年守趙忠定公又
增築之夫前數公之城皆得所聞忠定公之城
或得之所見比日言補築也包砌甚厚且堅邦民

不勝按堵至張弈所為至和城記亦有驅人趨
作如赴敵陣之語可見其程工之嚴而慮患之
密矣夫自慶曆至淳熙百三十年其間非無水
災特以城不徙修修必可以久故水不為病民亦
無自而告病也自淳熙以後又幾年矣求如前
政數君子畢智盡力固已寥寥莫見然猶每歲
檢舉修補或遇雨水則料撥兵卒儲積土木巡
守諸門以為不虞之備故其間小水可以無患

大水縱入屋不至沒屋或能遷徙人而不至殺
人也獨自近歲漫不加意甚至常用之閘板預
備之泥土亦皆缺焉蓋非惟不能如淳熙以前
之宏規而淳熙以後之故事亦不復舉矣以故
去年之水自西門奔迸而入其勢如河崩川決
而其聲甚於浙江之潮澎湃滔天猝然而至人
未及轉盼搖尾而身與數口為魚矣當要衝者
盡室墊溺餘亦幸而有生全者殆若室廬之飄蕩

筐篋之漂流又皆不暇計也今士大夫之家稍
富厚之家徙寓墳庵庄舍者所在相望次而捨
已地段寄人籬落或僦或假畧不敢以為安而
雖稍自愛之細民亦栖托城外以希旦暮之活
全望有司監近禍之慘亟修城壁或可般挈來
歸而自冬及春雨雪連綿度皆難於與役人心
惶惑未知所依然以某等觀之固亦有要領矣
蓋此周回不十里而北南踞山自朝天門直北

轉東至錢府皆因山為城自錢府直巾子山之
東北角雖合修築而東面乃下流極易為力又
自巾子山之東北角回環接與善門亦因山為
城非所當慮獨自興善門越南門至朝天門乃
當天台仙居兩邑山水瀰漫而下徑搗城足之
衝水勢激湍取為可畏去秋之患蓋正坐此若
欲杜絕後患須合就此一面極力重築所築基
址其高厚當加於舊城而築之之力當如海塘

之狀所用石板必須厚一尺長六尺闊三四尺
先於其下直排平鋪一二層用山土杵築又側
砌一層又土杵築務在以石壓石愈久愈固中
間則用搏子木杵築取令十分堅實而後以大
磚包砌之如此則水勢縱高可以障塞而無摧
圮墊沒之慮此所謂要領處也今聞郡中築塞
兩門已為
見修之處止用徑尺小石
甃砌反不若三四
固又所修者只去

秋已潰之城而未潰之城

焉夫以百

八十年之間歷幾淫潦更幾巨浸歟撼衝突之後不惟敝者不支而堅者亦敝矣是故近年以來每遇汎濫外水皆由城罅以入東西南北所在有之今但見西城之當修而不知餘城之不可恃萬一水漲切恐塞於此而復決於彼新城縱固猶不足以支而况未必固乎是以邦人雖甚幸城之修而復預疑城之壞以為前痛未定

後憂轉深皆不能安定厥居而惟轉徙以逃朝夕也某投身化治竊班着之粟雖幸親脫厄會而室廬生生之計至有蕩折絲粟不存者今族姻故舊類多流亡來者誦言其狀且謂某等以鄉人而玷朝士不能一言實重有媿焉用敢述所見聞冒昧陳控蓋如某等鄙見城之依於南北兩山者已不啻三之一居下流當修而可畧者又居三之一惟西門一面正當水衝合用石

板平側壓砌者亦僅三之一耳倘區處有方則
成就亦易如蒙鈞慈終始矜念特劄下本州照
所陳如海岸例築壘併將未潰城壁檢計鼎新
用工或恐所費增多更乞優降錢粟以為之助
則是大丞相再造此邦邦人永無昏墊之苦陰
功盛德與日月相為光明倘為不然則新城既
未必堅而舊城後不可久後患忽集前功盡廢
闔城生靈之命豈不甚可哀哉某等沐於一邦
利害之深犯分塵瀆惟與千萬戶稚穉孱息以
俟仰祈鈞鑒

台州雜記

元絳

州治据大固山介天台括蒼之間北直大海海
潮汐遡江薄城而群山阨束水不得肆慶曆五
年夏山湧海溢踰城殺人萬餘漂室廬幾半州
既殘毀明年予來守茲土拊視凋瘵感然出涕
迺循周官聚養萬民之法恤孤終收介特招徠

安輯之間軍政昔之閑戍過更疲佚不一迺取
尺籍伍符而均齊之間吏蠹昔之疆宗囊橐為
茲積歲勞豪忽厭飫秦腹貧者擠轉溝瀆沒齒
不享斗升之澤迺為定規整一隱括料茲摘譎
牢不容罅叅是數物信以諭之法以束之故民
罷者興兵勤者休吏窮者給繕戎械治困鹿完
官廬秩祠宇表廬閑齊簿領平獄豸一二悉力
問水害之繇昔之緣城之民剝去客土日以薄

圮是有水敗迺因新城出帑金以購材募工礮
石累甃環周表裏外內九門飾之樓觀繼木于
門牝牡相函外水方悍以禦其怒作十竇窓裁
以密石內水方淹以疏其惡又鑿渠貫城廝為
三支達壅渟清餘波距川斷十二石杠蜿蜒跨
渠舟車竭來行者不病旬歲而工既於是秋水
復攻城不沒者三板乃循闔闔垂木闔窓或持
編管或捧簣土輔堅壘隙杆有餘壯已而水亡

以縱遂復故道昔之刺史解舍在山谷間滔襄之餘雖不甚壞而潮波洄泊鞠為淖灣大凡署所以朝夕處君命之地不可以不葺乃培偃瀦支敞地即舊而新之解之四隅有樓及亭列峙而五至是摧圯悉欲完之則重煩里旅然士大夫必有退公息偃之地乃取城闔賸材於二山之交作雙岩堂廡緣山椒作叅雲亭天空地迥萬象在下射有長圍飲有曲水賓友衍衍哨壺

雜詠日為文酒之樂興今年春州人縱游鼓舞於庭除之下有賓擊節而歌曰昔民墊昏今民慶蕃昔民齋咨今民熙熙惟君憂樂兮與民共之天惠其寧兮無以君歸予聞而甚愧因訓之曰予斷斷然一介臣素性狷直重以蹇連之分孤鳴自哀而朝廷不加誅葺名為二千石幸為僚諸君皆文學政事之選交修補察以埤不逮繇是不為司敗之謫者爾大抵刺史能休戚干

里若政之微惡則有輿誦蓋春秋之法興作始
事必書予是以雜為之記以俟後之知者

臨海風俗記

陳公輔

臨海魚稻之鄉在東南一隅昔最號無事余少
時見米斛百金魚肉每斤不過三十金薪柴雜
物極易得無寄居過往郡官公事之餘日日把
盞百姓富樂不聞窮愁嘆恨之聲比年以來國
家多事官吏冗雜軍兵經由州縣輸索供應不

暇寄居官至有宰相者餘不可以數計過往日
日有之故城中百物騰踊價皆十倍於前余雖
有弊廬度不可居於是遁迹村落然鄉下寂寞
百物無有不免布衣蔬飯社門待盡而已雖然
嘗以西北觀之所在賊火焚蕩千里無居民吾
鄉僥倖未至殘滅而更富盛如往時庸有是理
邪嗚呼天下之生一治一亂祖宗之盛承平幾
二百年一旦衰微若此然今日之亂亦豈終於

盡變哉古詩云得見升平有幾人吾老矣恐一
旦先朝露不能復存子姪諸孫苟內無饑寒之
患外無劫奪之憂他日猶幸及見之故書以記
又一本作風俗序云夫輕死易發尚鬼好祀
漢志以叙吳越之俗急於進取善於圖利本
朝諸志以叙兩浙之俗然吳越之地邊控江
淮閩浙六十餘郡兩浙之地近亦十五郡彼
川谷異制民生異俗固有封壤密接而習俗

迥異者得謂吳越兩浙同是俗乎蓋彼特合
四方而論其際爾余采之記述訪之耆老以
為天台介于東南之陬方承平時寂號無事
斗米不百金魚肉斤不過三十金薪炭蔬茹
之類絕易得里無貴游郡官公事暇日日把
盞百姓富樂但食魚稻習樵獵而不識官府
之嚴渡江以來國家多故官吏冗沓軍旅往
還取需郡縣供億不給富士有官至宰輔者

而城市百物貴騰視前時十倍民始逐末忘
本機變巧出被甲荷戈出沒于醜茗之地吏
胥持文書索逋負日叫號于細民之門自是
訟牘繁多而民俗浸異矣雖衣冠輩出風雅
日盛未之有改也然是豈徒天台一郡為然
他郡徃徃或然則率薄歸厚以廢幾曩時之
舊是則為政者之任而是邦賢士大夫之責也
姑即舊聞以攷見是邦民俗本末如此

赤城集卷之一終

赤城集卷之二

本機交巧

故即

化

舊是

始即

如北

天

一

赤城集卷之二

台州興修記

張奕

天台郡在越絕東南隅叢山沓嶂中瀕海百里而近泝水為害歲常有之尚書庫部員外郎孫公治郡之明年即至和元年也夏秋之交大雨壑嘔而川洩洶湧湍悍爭赴于海迅風乘潮壅關不得下溢岸凌城不及踰者數尺公遣僚屬夜守闐闔土諸門以備非常翌日水導故道墻

壘圯剝蕩邊江民廬官宇十二三城中生聚僅
免墊溺者繫公力焉居一日公與倅語曰台雖
小郡去朝廷僻而且遠然所修者天子職業所
治者天子人民為其守臣不能固護安養之而
坐視其弊是誠何心哉遂按閱官府之沮漏庫
毀者用羨貨市材新廩屋二區凡三十楹以儲
軍食又易甲仗庫重聽事之西廡為樓五楹以
藏兵械然後調五縣上中之產得丁夫二萬六

千五百九十一工採近山之石雜以甌甃完州
城六百七十八丈以禦災患既訖工城中之民
皆鼓舞曰治我服噐葺我室廬而今而後知生
生之業可久其居也先是公下車之初戢郡舍
卑逼議營爽塏為便署之所因循久之重於改
作至是數役皆勇於從事親自臨督驅人趨作
如赴陣敵之嚴日力省而功倍君子曰廉哉乎
不私於己雖一工一木重勞於人公於人雖勞

其誰憾耶嗚呼公知保民之方矣後公之治繼以教之之術台不止富且廢將禮義由之出焉命識歲月因警秉者云

平海台州重修社稷壇記

樓鑰

台州之北大山綿亘其一支自東而西蜿蜒迤迤至江而止勢若回顧是為龍顧之山子城據其下官寺在焉城西南隅去儀門百許步為社稷之壇厥位面陽爽塏平曠昔人相攸而為此

必不苟也有司不戒日就荒圯頽垣成蹊蕘牧無禁居民或侵漁其中淳熙己亥正月宗正丞沈侯被選來牧仲春行事愀然顧其僚曰是可
以奉吾神乎乃命撤而新之臨海令彭仲剛建縣治於煨燼之餘侯知其才舉以任焉首案圖籍庠地之舊繚以周廡數十百丈始治地得什碑土中洗而讀之蓋政和中所頒社稷壇式也制度明甚橫列三壝門各四出中立社稷二壇

風師居東雷師雨師居西亦各為壇壇之高二尺有半又為燎壇於風師之東南壇外稍高於諸壇於是悉倣名數因其舊而增築之故有屋四楹為視饌待事之所既葺新之又增其一為齊索之地其涂北出表以二柱中建臺門嚴闕鍵以守之作於六月朔旦六旬有七日告成糜金錢五十萬有奇民不知役工不告勤過者肅然始知有地土之敬侯命鑄書之聞古先成民

而後致力於神侯之下車訪民隱節吏奉廩廩乎循良之風而思不倦以終之以是邦被山帶江水旱仍歲又聞鬱收之灾謂職諸幽者非人力所及故於神無所不致其敬社稷之重其可後乎秋社展禮氣象一新環珮琮琤巨籩靜嘉神既昭格如在左右繼自今氣淑民和雨暘時若其必有相之者然則侯之政真知所先後而致力於神者乃所以成民也侯名揆字虞卿秀

之嘉興人也

台州郡治聽壁記

會會

台州者實取天台山以立名即甌閩之藩壤而
勾踐之遺封原夫秦併天下廢其君長乃置郡
縣隋開皇九年平陳廢郡則諸縣併歸臨海鎮
於大固山配一千守護其城臨海縣移於鎮前
隸於括州江南元帥沈法興將兵保鎮城立為
海州唐武德二年東南面行臺僕射杜伏威改

海州為台州隸于括州改總管府為都督府大

宗皇帝貞觀六年改台温二州並轉隸于括州

都督府故台州置在大固山里人屈光公住宅

以其地勝故立屈氏次子惠坦為太守改家為

州及今皇宋混一區宇太平興國三載凡一百

二十六政總三百六十一年曆記存焉今自武

德後至於混一區宇之始凡刺史名姓謹列于

后越明年吳越王朝京師納土田夏六月凡偽

署官司咸一變易毀城守示無所備灾器甲示
不復用削繁苛省徭役自是中朝風教被於遠
邇焉炎漢季世三國鼎分臨海郡為吳霸縻之
地憑山負海民情多變勞於兵防難以德化六
朝以來率以獲罪者投于荒裔故逃刑者亦相
率偷安焉唐室平一區宇遂通正朔良二千石
稍申吏理暨梁朝革命有武肅王奮身草萊專
制江東分符懋官既失其道頭會其刻不聊有

生數世百年制度去矣我太宗皇帝

嗣明

文德柔遠東南海隅率族肆覲納符請吏貢地
籍于大司徒於是申命文臣下治郡國尺刃不
舉而萬里安定島夷編戶雍容揄揚以樂大化
垂今二十餘年豈非王者久於其道然後寢在
民心歟今以皇朝歷任氏族繼于舊記之末俾
嗣治者書以廣之

上宰執論台州財賦

趙汝愚

某踈賤之蹤已試無効誤蒙陶鑄俾承之于天
台勢不獲辭扶老携幼已於此月二十日交割
郡事郡中府藏殫竭逋負上供及諸司錢物與
夫官吏俸給之屬幾二十萬緡凡利源所入不
過三事酒稅與折苗耳去冬所在豐稔朝廷寬
大之澤不許州縣折納苗米海舶自閩廣東者
皆為折提舉以私鹽捕送枯蒼禁勘其情猶未
竟也餘者悉鑿舟溺貨而去望風不入天台之

境者凡數月矣然則財賦所賴惟有權酷耳今
環城內外私造酒麴者二千餘家三務監官六
員終日所收本息統數十千不充官吏之費習
俗澆競綱紀蕩然不存稍更張之則怨謗交興
姑息不問則曠敗難免日凜凜然若履薄冰之
上而進退惟谷也某蒙國厚恩不敢自愛亦欲
竭其夙夜之力以圖報稱然念非朝廷力賜主
張有如何微祇自速咎耳或不得已如有奏請

之類敢望鈞慈更施行其一二庶幾千里風動
數月之間猶能稍自植立仰副君相寄委之意
其間更有心切利害如本州係瀕海去處自海
中乘潮一夕可至城下城有七門大火之後五
門猶未建立四壁圯壞私貨出入者與履平地
無異比軍數十人無屋廬可居但月給房緡百
餘千俾與百姓雜處今春大閱凡軍頭所用色
色無所凋弊之狀觸目比自然官吏不暇遠圖朝
夕汲汲惟貢賦之不入蓋亦未嘗為國家深思
也伏乞鈞慈特賜寬假俾漸收餘力稍復葺
治幸甚幸甚

台州重建便聽記

姜容

台州便聽淳熙十五年守章侯冲重建未四十
年蠹朽已岌岌矣寶慶改元守王侯挺歎曰聽
非遊觀地也所以出政聽訟而親吏民也郡雖
例有設聽非大聘賀大燕饗不處而便聽常處

為蠹朽不治母乃非便乎幸歲連稔勤收儉藏
撥公帑錢授支塩徐昉規畫取材計直召夫厚
庸革去蠹朽鼎成羣飛廣崇之度比舊加倍既
而敞賓次整吏直及門廡旁創小聽內因瑞蓮
立堂又廣凝思之室為屋總餘四十楹糜錢總
五百萬米百餘斛始五月丙寅迄六月己未役
甚鉅而農不知工不困也容聞治郡者體不貴
苟卑心不貴苟約事不貴苟安猥下當窵崇狹

隘當恢廣摧墮當植立非材識獨到不能也侯
為此州浚河渠民不病濡滯闢貢院創三門士
不病蹙踣四瞻郊垣有廢輒舉今又一新州治
千里聳觀盖窵崇其猥下者恢廣其狹隘者植
立其摧墮者侯之材識獨到如此雖然棟楹巍
峩飛鳥睇眙棘衛森列鬼神却走况田野之困
窮未嘗一識官府設或赴愬於我而目眩堂皇
心怖吏卒股栗階祀其能吐肝肺翰疾苦哉故

體雖穹崇侯俯以謙損心雖恢廣侯斂以誠篤
事雖植立侯蓄以寬和則於此出政而政平於
此聽訟而訟理於此親吏民而吏民安侯常處
何愧焉然侯旦夕去而羽儀天朝矣念必葺之
義以遺後之人而豈為身計哉若乃聽事退休
堂宇幽曠神慮既冲寂臨莊愈精明侯故併新
之容故併書之

台州通判聽題名記

黃遠

臨海之為郡去朝廷雖遠而江山瀟灑訟獄簡
希來蒞官者徃徃號為樂國昔之守倅於此去
而升陟侍從致位公相為時名卿者間有人焉
而獨倅郡者族姓官稱無所刻載因循迄今百
有餘歲矣承議卽吳深倅郡之明年乃嘆其遺
闕而言之曰古人雖一日遊居尚有叙述况膺
天子之命三年從政其可以無紀乎將尋諸舊
牘稽諸宿吏庶幾得之者可過半也而會慶曆

乙酉歲秋雨暴集江流汎濫衝城堞縹緲宇時
官藏文書皆糜爛流散無有存者故不可悉知
惟夏鄭公在大中祥符間以著作佐郎來倅是
郡今郡人猶能道之而又有光祿丞朱君正辭
為鄭公之代有贊善大夫劉君有方與郡守章
郇公同時所可知者茲數人耳惜夫姑自慶曆
而後悉得其名氏與夫在官之歲月而刻于石
豈特俾來者續書之而已哉前日之人或以德

望稱或以政事顯或晦而不彰或泯而無傳皆
可指而見也

重修台州通判聽記

李宗勉

公寓必稱其官非惟所居官設行君之政令肅
民之觀瞻蓋於此繫焉天台東澗名郡州治雖
未為宏麗規摹亦峻整獨別駕聽事庫且隘曾
他官不如堂奧傾欹岌業欲壓考諸圖謀莫知
建立之始祇云淳熙二年通判管君銳重建倒

指歲籥未周一甲子豈當時因陋就簡易至弛
侈重以紹定己丑蕩析之變然耶以是處通守
端謂非稱雖然廢興沿革各有其時時至則易
若反掌孰制其時在所居官爾鄭公襟度高亮
議論灑落昔人所謂胸中自有一丘一壑者余
知其決不苟安於此居無何果欲撤而新之余
聞之亦喜既則恢衍規制增築基礎取材於
市鳩工於庸給用於旋官不知役人不告勞經

始壬辰暮春斷手中夏聽事穹隆堂竊顯敞廊
廡纒屬戶牖燻閤總為楹三十有四舊有芝秀
承其左登瀛景沂歲寒處其右堂後山巒鬱律
林木青葱自蓮風閣登萬壑風煙寂為音勝旁
列雲水梅榭雲海嵐闕無非嘯咏遊息之所公
或重剏或增修丹雘交輝前後掩映迎風納月
恍若蓬壺觀者愕眙屹為千里壯觀是役也費
務叢廣郡雖相之眇若毫末非公善計節用疇

克辨此落成之日屬予為記辭以蕪陋弗獲余
嘗謂知者剝物巧者述之是興事締功始足以
言知矣而孟子論知則曰行其所無事或者疑
焉抑不思孟子謂無事豈樂因循好苟且云哉
數者新之摧者植之損者益之循天理之自然
不容一毫人偽若禹之治水是也士大夫眡公
寓如傳舍昧一日必葺之義榱棟撓折墻壁毀
壞置弗問是固失之乃若自恃過高喜新厭舊

復志於物好樂靡常土木並興耀奇逞巧作無
益害有益則亦未為得也今公因其既圯去故
取新弗亟弗徐咸當其可非行其所無事歟斯
可謂知矣剝之者勞享之者逸後人家其利
未必知其顛末是則當書公名宥字謙仲姑蘇
人以朝散郎通判軍州事都政有關賴其禪助
居多紹定五年壬辰八月既望記

台州添差通判聽壁記

洪适

台州之為郡環山枕海壤僻民愿牒訴簡少輸
調有常平時從容見謂無事故分曹授政絕贅
冗者中興以來影纓之士日進一官相承率三
四輩員外署者無郡邑不有紹興二年是邦始
增治中凡五易而迨至被命遲期者後復三人
則茲負之設將踐武不廢廼哀穉名氏官秩去
來龕石壁間而係之曰昔昌黎韓公嘗謂邑丞
貳令位偏而嫌文書視成一不敢省有公負復

歸尤焉曾主簿尉之不若丞於郡者亦然厥有
不蹈其中萎媮不事事玩民戚休貪殘放手漫
不孰何曰此太守職也吾何干夫是之謂負官
否則錚錚表襮石權市威上下相高矛盾崖異
吏不確其承民情不得直夫是之謂越位負其
官不可越其位又不可然則奈何能使官不負
位不越清其心以求其平視著令唯謹外是而
議夫何知之有

嘉禾台州推官重建聽事述

趙師回

嘉定二年夏四月予來為推官明年秋八月重建聽事齋閣思昔建尊嘗入此幕如正獻何公天性超然不汲汲於富貴利達其登山詩有所謂高共白雲閑志尚可想乃扁閣曰高閑舍人孔公危言正論勁氣凜凜在官之日庭植雙檜後八十餘年太守曾文清公宴客于下命其堂曰遺直賦詩十二章有百年依正直之句仍

榜齋曰依正齋之西闢小軒手種梧竹名以持節於是公退休沐浴始得與僚友燕譚觴詠委蛇頽仰其間企慕二公之風操足有餘樂又明撤門廡而新之弗陋弗華足蔽風雨匿石之貳從官給者不什一諸邑大夫與賢士友相與致助猶懼不支適際脩水黃公以戎監丞出殿是邦知教化之先務下車之初首責學宮凡闢文墜典舉而秩之一日顧謂予曰知子有興作此事

至難今居官者視公宇如傳舍獸能留意於斯
耶崇獎周給迄于落成姑叙大略以紀歲月若
夫時而葺之則在後之君子

台州新造刻漏記

此碑今馬仲甫
亡其半

天道之大其啓閉代謝之運藏功於神用查不可
見聖人設法以求其端於是載諸曆象而有按
據之制則漏刻之用興于其初矣若夫分至相
承寒暑相推裁昏明之早晚節晝夜以動息時

有緩疾景有長短乘氣之差參以增損故數不
能逃晷不能逾風雨雖晦抑無失其準的非漏
刻以視其應孰從而審哉且百刻十二辰之法
百代不易之用也第數之盈縮繫於二十四氣
以鈞校之晝夜之多少固可見矣周官挈壺氏
暨官府皆建漏刻有師興則隨次舍設之示不
可聞事也雖則籌之數與所造之儀度今古迭

變形範各別然測景揆辰大槩一也天台郡漏刻自置守以來有之矣歷年既久積習差錯鍾水無實法流無定準規模踈簡一不如制時發鼓皆司役之吏詳天色以驗旦暮耳此其誤尤甚又况陰晦弗復辨其失不亦遠乎故曷候之備
制度之紊節理適然也又命浮圖可榮改作之榮心智機巧頗能施其術揆測增減之法參之於曆皆有次序若用器屏壺之屬惟事

事率以新意創始咸適其宜既訖三依其術試之果得晝夜之正遲速來往指刻可驗觀者得以知之與曰卿日之漏甚踈庶幾乎不繆故識其歲月以垂諸後云皇祐壬辰三月朔日記

推官廳題名記

包恢

郡有推官官若非尊者而佐賓幕助郡政其為人之賢否與其行事之是非則一郡之理亂千里之休戚繫焉任亦重矣台之為郡東臨大海

下蒞五縣竟土廣袤戶口衆多詞訟紛雜而職繁劇要不易為所賴以佐助者惟在幕府有人耳然前乎此謂推官者知幾世幾人矣而求其孰賢孰否孰善孰惡有繫於官民之理亂休戚者曾無可考見非闕典乎後世既無古者侯國之史則先儒論今有題前政之名氏以為記者尚為近古也非徒可以苟知其名氏而已其人之賢而肆善歟書之可以為法也其人之否

而事之惡歟書之可以為戒也二者之間有庸庸碌碌上無補於郡下無益於民而泯滅於無聞者觀其名氏亦可以內自省也豈曰虛文云乎哉今滕鈔不忍其前之名氏既沒而不彰後之名復廢而不傳乃考之赤城前後志僅得自唐張條而下至于今趙君汝漕凡三十八人而止乃為之第其歲月之先後而記之而後之繼為是官者可以續書之數百年之闕典至是而

始備其意美矣然其賢否善惡所以為之理亂
休戚而可為法戒者以多不可得而知獨其間
有自是而召試論新法後至中書舍人者有自
是而為國子監教授後至太宰少傅者其人其
事可以觀矣自有能辨之者然則畧於前而詳
於後自今而往求盡其所可法而不犯其所可
戒又當自滕君始君之先世父叔皆從朱文公
學君姿器質實且習聞二父師友淵源則必優

於吏事而見於幕府之所贊畫者其為人既賢
而其行事必善也知所以題其名宜知所以究
其實其於在己之賢行當加脩及人之善事當
加進使表表焉在人耳目悠悠然入人心思而
後之觀者必曰滕君惟見其可師而不聞其有
可戒斯不負題名之意矣是所以表率乎後來
者實在滕君而後之繼滕君者又能相與緝熙
而不替使人人皆賢人事事皆善事皆可師而

無可戒是又有望於將來台城之所賴者顧不
深且遠歟

赤城集卷之二終

赤城集卷之三

重建錄事聽石記序

趙汝回

寶慶二年春余來為錄事聽屋老弊不蔽風雨
獄亦棟撓趾腐椽斷壁闕矣亟請于州得錢十
萬日整月葺既就完好於是即青青堂植竹數
十以觀衛武公進德之序採崔文公詩更挹翠
軒曰與清以想崔君之遺風古梅出荆榛西山
立几案遙睇飛雲靜聽啼鳥俯仰之間物我俱

適當是時有空囹圄釋桎梏之意焉聽左右三井前豈無名賢嘗至閒視題名已石剥字漫不可讀因思唐張旭以草聖名家獨於尚書郎壁記用楷法峻嶮直截妙入神品年歲愈遠人愈貴惜而尚書郎姓氏無傳可歎也夫記紀德紀事事廢德虧雖以張旭書之人弗觀之矣况石剥字漫乎可傳矣不得其傳後人之責也乃重刻之而叙以完葺之由庶幾將來式敬爾獄

台州司理叅軍題名記

吳子良

獄生地刑仁術也冤枉干陰陽者雪而和闐狼戾氣血者弭而平生詐欺悖正性者抑而順穢汚玷元身者懲而白是謂生地是謂仁術生地而淪於死仁術而為不仁何以故坐六失故六失貪也刻也忿也闇也懦也憊也貪則不公刻則不矜忿則不平懦則不決憊則不周六居一焉本心且死矣地何由生本心寢不仁矣術何

由仁括蒼何君處東為台理掾始至余一挹之
語首敬之甫踰月與守趙侯爭獄事即棄去趙
侯退聽挽留亦敬之未踰年今守包侯資政殿
學士杜公下至士民吏交敬之何以故監六失
故完本心故余論理父前乎君有如君否咸噤
無以荅考郡志畧弗書問聽壁題名則以己丑
水不存也君感然曰我何能惟前名氏不可
沒緡續志得國初三人訪老吏得自嘉定間云

燁而下十一人書之石君而後將續書焉請余
記余惟本心人人有也六失非人人有也銳其說
以勸後乎君必有如君者矣

台州司戶聽壁記

謝雱

台州司戶叅軍唐至德間著作郎鄭虔嘗以謫
官居之今州城東偏猶以戶曹名巷杜公部詩
所謂老蒙台州掾是也國朝宣和初滕君膺自
睢陽來時睦寇起常源群盜響應仙居呂師囊

遂據韋美率衆攻城滕君倡義守禦卒擒酋領
一城全活父老紀焉今解舍為屋三十楹而扁
榜者曰戶曹聽皆滕君遺跡也聽故無題名宣
和以前莫可尋繹寧將去官次其可考者自滕
君以下得有十九人陷石識壁間而關其所不
知畧其所未詳以俟來云

台州重建衙樓記

張布

州有樓一州之觀聽在焉所以嚴等威也有門

闕然後壯朝廷有兩觀然後重侯國故古者亦
以興作課吏績橋梁郵亭之不修則不為能城
郭街道之治使端正則以為賢是皆可以觀政
之廢興吏治之能不况觀聽所繫之大者乎於
其大者不立則政可知已台為州之衙有樓又
矣國之朝有朝夕故州縣之衙有早晚初不鼓
角去郡治為遠故建樓設鼓以報衙是則觀聽
所繫之大者歲久朽蠹亟危將傾今郡侯監丞

黃公治台之明年政成民蘇年穀用登始以其
餘力革而新之先是州之圖經未脩三台井掩
匿其一逮公之至始命郡士纂輯其事以成圖
經發掩匿之井作亭其上以應台星庠序之門
隘陋則崇廣之坊術之名不立則表揭之戟門旁
雜為賈區譙樓率多隳敝則開拓而脩復之頒
春有亭以厚農政講武有堂以治軍旅養老慈
幼有院以惠困窮建茲樓之作則棟宇壯堅丹

輝煥朝晡有時吏士奔走不失其度耳目所
矚為一邦之巨麗然後台之文物一新而江山
始改觀矣初議鳩工人多以其役大費夥而難
就已而官竅其實吏忠於公瓦木不取諸民和
價倍給其直工徒疇以市價出入有稽用度有
節無浮費而收實効事簡而工倍役廣而費
省人始服公之規模先定其功不愆于素公名
留字子畊蓋江西山谷之派晦菴朱子之門人

朱子之學以濂溪二程子為宗公脩學校則為
祠堂繪四先生之像行釋菜禮以奉安之命博
士御先進與其門弟次第講書經理又列朱子
中庸大學之說以開後學其淵源有自來故其
為政尊主庇民廣教化厚風俗建置規恢知
所先後是役也宣事推官趙君師回實董之趙
君有材既自新其治所竭力以佐公家且以邦
人之意請紀其實布辭不獲於是乎書

臨海縣聽記

章望之

官府之聽蓋宣王命而蒞政事之所也皇祐二
年正月臨海縣新作正聽何新乎逾舊也向之
時庠甚矣歲久朽且不支今宰崔仲牧迺革之
仲牧惠和而敏故其舉事也中而遺於人也遠
不亦嘉哉

臨海縣聽壁記

彭仲剛

縣故有聽壁記自太平興國錢氏婦土以來縣

令名氏悉載遭乾道癸巳災與縣解俱孰不存
余既建解舍念前人名氏不可以無見博求前
所摹本絕無得者遂歷訪故老遠稽按籍旁考
紀諜自宣和而後得三十人銘石以記虛其後
以俟方來宣和之前僅得十餘人年次來往不
接姑列其前而闕其間之不接與凡日月官稱
之不詳者以俟後之君子他日有得以續之所
聞多闕宜未足誌然失之於今則後益不可知

是猶賢乎已爾

臨海縣重建縣治記

吳子良

百年來臨海數賢令曰顏公度彭公仲剛顏當
乾道初元公私優裕之時而彭承乾道末年郭
郭焚燬之後彭能摩挲赤子樹縣治百楹於榛
莽中役鉅事煩而仁不傷故彭公為尤難嗟乎
孰知又有難於彭公者蓋紹定二年九月丙辰
之水陷城吞原隰嚙官民廬居殺禾稼環百餘

里漫為濤川而縣治西直括蒼門最先破水崩
奔漂悍特甚凡彭公所樹尺柱寸椽不留官吏
簿書無所於棲獄訟無所於決民方死徙交道
繼之殍疫連年天子為捐帑振廩復租已責遣
部使者葉公棠議荒政議城築縣計雖束手然
役之百頃則以比郭先諸邑奔命歲再更縣猶
絲紛而舊觀莫克復於是葉公奏辟前尉溫陵
吳君楷令臨海君既為尉諧其人情土俗不逞

智立威一切治以簡靜擾不及民民之居奠矣
君曰民之居奠然後令之居可奠乎而以累民
吾不忍也民亦奮曰令常憂民之居矣不憂令
之居乎而以累令吾尤不忍也令搏他費以刑
之民伺其闕而取之公聽中峙挹之高門吏直
旁環引以修廡聽之後虛敞為琴堂廡之東闕
爽為犴狴藏物有庫運賓有位燕休有聞軒寢
處有密室完備至於庖湍整潔及於階除繚重

垣以護其藩培秀巒以鎮其陰自五年冬至今
不弛不迫雖躬之者民本無預而助之者令則
難遏也由是以觀紹定二年九月之水殆十倍
於乾道末年九月之火火既五年而彭始至城
內之民痛定矣水絕二年而君已至闔城邑之
民痛未瘳也非又難於彭公乎而樹立乃爾雖
以君繼彭公可也古之為令者能以道教民其
次能以政養民又其次能母以政擾民耳近世

教與養不十一擾之者總總也夫母望於教與
養姑望其母擾之耳是民之賴於令者止此耳
止此而又不能則是令之居豺虎之窟也誰肯
愛豺虎而樹之窟哉能母以政擾民民得婆娑
怡愉自足於長郊廣谷之間幾於去豺虎而傍
父母於古為次於今為上矣使父母卧風雨人
子其安哉則民之助之亦奚怪哉夫母以政擾
民民猶父母之猶助之而况於以道教民且以

政養民者哉此可見臨海俗之怠而無調諱訐
猶聞有存者豈其外專在民哉豈其不可轉移
也哉嗟夫能毋以政擾民雖繼彭公可也能復
以道教民且以政養民雖繼古之為令者可也
臨海縣重建宣詔亭記
皇帝邃居閭闔而率宇內若老倪若飛植然者
意夫固詔令為風雷也今詔令猶古誓誥授書
邦冢暨尹御欽揚懼後自井田廢於時管窺其

今令雖小甚佐風雷以陶萬彙等也以故窮崖
下邑環治無百戶亦必有宣詔之地矧隸甸服
戶且繁何敢弗虔臨海縣南百步故有亭詔中
下令合父老稽首無異棲觚稜而瞻飛鳳也庚
子火民廬蔓延亭遂毀四明劉君棟縮縣事惕
然念非承流所宜鳩工遴材一新故趾始癸卯
正月越二月告成費以節用之貲役以變傭之
夫宅事以邑之幹勤之士穹梁博礎丹堊彪炳

于其旁復翼以布象舍數楹夫乾以震巽鼓
萬物皇以詔令鼓萬民詔令肆頒自朝廷歷監
司監司歷州州歷縣朝廷去民最遠監司次之
州縣則近民之官也而縣最近故民有休戚利
病縣知之最悉而縣長吏或廉或貪或寬或猛
關民之命脉又最切宣詔有亭豈直具文而已
固在奉而行之也傳曰君制命為義臣承命為
信孔子于震取不喪七鬯于巽取志行順剛皆

臣承命之機括今詔令無歲不下曰宥罪曰減
租曰賑困乏民延頸以俟如蟄而雷如熱而風
旦暮不可緩臣奉而行之可緩乎而况於民最
近者乎劉君之令臨海也廉於已而寬於民又
悉知其休戚利病鄉無邏卒園無錮囚叔學趣
子弟受業蓋字而教之道備盡民之責可無愧
斯亭之建具文乎哉

臨海縣重建縣治記

尤表

乾道癸巳秋九月臨海居民不戒於火濫燭扇
延以及縣治燔爇俱盡當官者因陋就簡僅能
建三椽於煨燼之中以聽獄訟吏民亡所托足
按牘亡所棲列一遇風雨則沾漬暴露叫呼謹
歎訟牒計簿散厯吏胥之家最易甲乙莫可質
考縣日以不理後三年予來為州有意興之而無
與任其責者淳熙丁酉秋永嘉彭君仲剛來
主縣事予聞彭名舊矣心固望其有為彭乃言

曰夫環百里之地而為之長聚萬室之衆而聽
其令民社所寄視古子男治必有所一邑之條
教於是乎出而司存弗備亡以施政廢之當舉
舍此孰先然役大用夥非受命於郡則令不得
擅敢以為請予乃畀錢三十萬使營度之是冬
予罷官歸踰年則以彭書來告成矣外為重門
以嚴啓閉上建層樓以歛勳勅書治事有所燕
居有室翼以脩廊挾以外廡吏直賓次環列有

序與者為藏爽者為獄為亭於大門之外以班
詔令為閣於東廡之上以藏按牘為堂為齋
為軒以備宴休游息之地下至於庖湑之所微
至於什噐之末雜至舟艘麤事織悉畢具
規撫堅壯工用精密總為屋八十有一楹中鑿
五池瀦水為備復以其餘力建丞簿之舍而新
社稷之壇鄉之荆榛瓦礫之場今乃為高明宏
麗之觀民始識有官府之嚴而稱其所以為邑

大夫之居者問其經費之所出則曰未嘗取
而苛歛也凡財之隱於吏而亡籍木之訟於官
而願獻者悉取而拘之鈎校畸贏積累銖寸故
費廣而不闕問其工役之次第則曰未嘗厲民
而強使也籍竟內之為工者若干官出徼庸率
如其私之直居處飲食先為規畫使極安便率
旬有五日而迭休之其用夫止及於附邑之三
鄉家止一人人役三日番無過十夫而亦與之

庸省督工程無苟簡怠墮之患謹視給散無稽
留股削之弊民之與官為市為役者若私家然
故役大而不擾蓋經始於丁酉之冬而落成於
己亥之秋問其所以久則曰不敢倉卒而趣辦
也作於農隙而弗奪其時休其力而弗盡其用
尉諭其勤而策其不勉民咸勸趨故功成而不
勞夫聚財有方用民有節舉事有漸顧何往而
不濟哉予嘗謂今之仕莫難於為邑弱者不足

以有為而徒者或以病民幸而得強弱之中則
積負困之姦民撓之欲興事造業有其志而不
克成者多矣又幸而不為積負之所困姦民之
所撓而在上者或不察不得自展其才者亦多
矣當君之始至賦亂政厖隱戶移脫弗可究詰
乃定質劑乃正疆理逋租匿役披露首服吏姦
民虞檢控濟理田野歡呼訟日以簡故能不困
於積負不撓於姦民不抑於當路而興舊起廢

不擾而集非庶幾於古之所謂循吏者乎夫裒聚羸羨於單乏之餘可以觀儉謹用民力於偏仄之中可以觀仁積累工役於遲久之後可以觀智是皆足以為吏法而不可使之無傳予既嘉彭君之有成而因其請故遂著其實使後之人得以考而法之非以譽彭君也

臨海縣尉聽壁記

京鏜

縣正之職其任禁輕漢有四部隋之分判重之

也臨海附城民事浩繁學胥姦嫚為尉者禁其人則政乖在昔紆黃綬皆宗工鉅儒各稱其職自此或為監司郡守侍從輔臣不可驟數得人為盛矣今縉雲葉君尚呂名家之秀學業之贍既修飭政事鼎新解寓且念前人名氏不可呂亡傳博攷圖籍歷訪人老童得三十人禁之于石其間年次之不接日月之不詳姑闕之庶他日可續焉後之君子好古博雅必不隱也

尉思隱軒記

林仰

金華王季海作臨海尉葺舊屋闢一楹地為燕
息所用梅子真故事名隱軒屬予為記予告之
曰君遭時清明少年取科第初官即事賢主人
有設榻之重駸駸乎得行其道蓋與子真居然
不同然則胡為乎隱哉試妄評之君子之出處
而已隱之為言去也仕而有隱志則去就輕去
就輕則不為世間勢利之所移是以道可行事

可立澤可以及斯民古之人太山覆於前而色
不變用此道耳不然則接輿荷蕢之流潔身亂
倫之行儒者不取也仲尼轅環天下孟軻歷騁
齊梁一不合視萬鍾祿若將浼焉去而不顧故
為百世師仕而志乎隱舍是宜無所取法焉季
海讀書明理道耿耿不可犯干而恂恂似不能
言其鄉里之賢有以氣節聞者季海慕其為人
宜其不凡如此是軒之作小出芒角固已超絕

况仕益久閱世益深其又可量也哉予於季海
同年生也草木味同且有聯事之好其知季海
他人不及也故樂為記而不辭

黃巖縣聽壁記

方行可

宣和癸卯歲之十月黃岩縣新作聽事告成大
夫王公顧諭其容方行可曰昔之為政于此者
其賢者聞去而顯於朝者有人焉其流風善政
在民至今者有人焉是不可以無紀也縣聽故

有壁記辛丑之盜漫為煙埃吾將因新宇之載
新復求國朝以來作邑者名氏次以歲月銖石
而寘諸壁使後世有攷且可繼焉子其為我叙
之行可不敢辭謹叙之曰縣令長皆古官漢制
高戶為令減萬戶為長今之知縣事古所謂令
也黃岩古東甌蓋為邑者尚矣 宋有天下承
平日久生齒滋殖著版之民僅十許萬故出宰
者率辭尚書左銓熙寧元豐豐而來以其兼督蓋

堯間自有司辟置或出於朝廷一時之選以故
得循良為多前記無復遺迹今大夫訪之故家
得於邑士陳褒別記者由宣和而上訖於天禧
之元凡四十有一政攝事者九有其姓而亡其
名者二其不可攷見者闕之且大其石以俟于
後夫近民之官莫重於縣而聽事政之所自成
也一號令之出少有不謹輒病百里或遺患於
數世之後為政者不可不知也今大夫之賦政

可謂知此矣而又將推以謹來者故人列其石
事之歲月俾其政可攷而存後之人坐于是以
令斯民苟閱而思之必將曰某善足慕某不善
足戒後之視今亦猶今之視昔吾敢不謹乎是
則壁記之作豈特著舊而已實百里之賜數世
之澤也嗣大夫者其念此哉

黃巖重建聽事記

此碑
磨滅

王居安

會稽胡君衍道令黃岩總數月政平訟理吏畏

之民安之士大夫信之下至海陽山顛黃童白
叟莫不知有知縣之賢也邑故有聽事建於宣
和之五年令王君然百年矣後雖有修建堂宇
者由堂而外尚仍其舊凜焉有棟壓椽傾之虞
前令太末陳君汝改建門廡而聽亦未皇暇若
至以嘉定七年六月經始於明年之正月越二
月己未乃立木剏大廳五間合從屋凡百二十
楹糜緡錢三千米斛三百悉辦之官絲粟不擾

於民役替有時廩給不闕凡度工換材蓋以邑
士周之純既時中所以杜吏姦也五月將成君
以甸祠得請慮以一簣之虧復累後人於是別
儲所須若塗墍甃甃之屬俾主簿陳君武子訖
其役且屬居安以紀顛末夫環一邑之境令南
向而聽焉有民人社稷之寄固不可以百里儉
其居也然今郡縣之官莫難於令泉穀所入有
經平居常患日不暇給土木之興良不易矧吾

邑為台壯縣訟繁賦重曩者連數令無善去則
眎他令尤難也間有所為則未免科歛百出下
不勝擾而上不加卹耳今君至之日未久為之
特易而民不知何也始余聞君之官於泉之舶
司也未嘗市香於泉今聞其宰吾邑也雖杯勺
油燭之須必計直入金於官蓋其律已嚴故官
事易集其奉已約故公用易饒茲其所以雖難
而易也與余懼夫來者徒樂其成而不究其所
也

以成故據其實而告之繼自今聽訟弊獄於斯
出政歛財於斯者宜有攷焉君名衍衍道其字
也

赤城集卷之三終

[Faded vertical text, likely bleed-through from the reverse side of the page]

赤城集卷之四

黃巖知縣續題名記

設官分職凡以為民陳力就列凡以行志然而去民最近與民最親知民之休戚最詳繫民之利害最切則莫重於縣之有令仕而欲行其志蓋必由是官始况黃巖之壤襟山帶海膏腴百萬畝其地日益墾闢甍宇十萬家其民日益蕃庶故凡賦輸之富倍蓰旁邑訴牒之夥屢絕浙

地於是為令不亦尤重已乎範有生最晚冒焉
試邑更嘗未多觸事墻面顧累月以來食息無
輟區區此心未嘗忘民訪利害察休戚因其可
近易親之勢思為之計然誠雖存而力弗逮念
雖專而事易移縻困朱墨而志有難行者矣悚
然以思寧不自愧聽事舊有石記前令名氏厥
後弗繼近事無紀乃咨問父老訂正歲月次其
後先用續前石暇日摩挲尋閱緬懷景慕因人

考政擇善而從苟克利民循守惟謹期以充範
之志焉

黃巖縣尉題名記

孫應時

凡官之府舍宜有壁記記在官者名氏歲月示
民不忘其故且繼者有攷也黃巖置縣蓋五百
年昔之尉於斯者宜多名人顧未嘗有所謂記
者何哉豈其因陋就簡否則卑之以為官不足
記甚亡謂也余之來詢諸邑大夫士與鄉長老

而所稱道省錄率不過數十年之近又採之所
在屋壁碑識之間蓋可知者僅如此嗚呼其可
感矣其愈久而愈不可知矣屬將去官迺書而
次之石以俟後之人有所聞者附益焉若尚書
右丞忠簡許公之事則其遺文可見噫州縣之
官莫如尉官卑然而亦近民有志之士如欲
深知民生之艱與為吏之不易以推及乎世之
遷變觀古今風俗政事本末求切於實用而精

思其所不及則雖奔走勞悴於塵埃箠楚之地
疑非所當厭也聞古之士不卑小官而必行其
義觀斯記也其先乎余者有可慕其後於余者
不敢不敬告也

重建黃巖縣尉聽記此碑廢謝直

四明楊璘子美作尉黃巖撤舊治而更創之凡
門廡聽事堂寢房舍庖福其楹六十以為官者
之宅居宅之西有地夷曠累臺以望曰見山之

臺翼亭以憇曰傳香之亭即臺間中疏池沼四隅雜藝花竹古梅怪松特為竒觀乃更結草廂以歲寒以為燕適之所梁河重柝前直縣南所謂委羽洞天之山繚牆夾道卒廬射圃以為閱習之場鉦鐸鼓鐸弓旌鉤格斧鋸搭筭杓具庫筦鑰以為警邏之備凡糜錢五百萬餼廩二百經始於辛未之孟秋落成於壬申之仲夏既乃因其長大末陳公魯容請記直接開寶之

元營繕大內告畢遂詔天下郡邑修立衙宇其制之大畧節察知巡羅者著聽脩之籍迭相付授幕職州縣受代則對書考課之曆致損者殿一選增葺而不煩民者加如之厥後有司改廢而他官不顯書吏績考功止批七事此制因為弗聞宦遊者視所居曾不若叔孫昭子之於傳舍一榻之寄凝塵滿席甚或撤尾破柱苟給竈養迨其有所興作胥動繹騷歛怨一方無簡書

書之畏矣余承令君之命問子美以資費所出
曰縣家所助益五十斛它吾自輸之擇材賦工
必堅必良塗墍丹雘必緻必精吾計其久不計
吾其費念其費不念吾其勞君其問諸野吾惟
子美之輕財舉事誠非人人力之所及而子美
之成功遺後者將非人人來則居之哉子之移
氣體于之蒞官事于之事父母于之樂妻孥于
之燕僚友爾休爾游爾宵爾晝無所不可詩云

予室翹翹風雨所漂搖保固修飾使更閱終古
而輪奐常新豈子美是為抑開寶之所以推躬
逮下者幸幸萬世臣子尚有詔也記之謂何

天台縣題名記

韓元吉

寓天下之治曰郡與縣其簿書期會獄訟米鹽
之職縣實百於郡蓋郡則有掾有曹各司其局
而守特視其成焉縣之官丞主簿尉與令為四
號為通其事然令無按察丞主簿尉掌治各有

它例不能分總縣務其極悉萃於令旦起闔訟者立庭下教數其牒眊焉已不勝其煩獄之辭畢聽而後蔽暇則督民賦課出納謹帳籍官廩士學戍兵役隸月會而須給縣或當孔道執券而候驛者日羅絡廡序持文檄相恐動赭皂之衣滿前間有率辦必取具於常賦之外上官便文自安不問所從來民或誚語則以咎令又為令者秩不過七八品勢力卑甚里居之豪寓公

之老相與狙誑誤騰謗譴脅令以營其私不則搖撼雖課必使之去而後已令之缺榜於詮曹者率數十閱歲踰時皆憚不敢覘然國家之制由選調而更京朝必歷令而正其資號曰親民比歲益嚴其格往往不得命為他官由是士亦勉強自勵其才以試於縣紹興二十五年吾兄子雲始為令於天台以為天台極兩浙之東南其地富山水玉京金庭俱天下勝觀可以乘吏

役之休逃禪訪道從隱君子遊資祿以養親且
應夫令之名而已則倥傯亦不暇給既而嘆曰
縣固有劇易事無不可為者因為之竭日夜之
力疏剔刮磨不事表襮一意而持之未幾吏民
亦坦坦向化始得從事於文墨之間而縣之前
令名氏漫不可攷乃訪諸塔廟之題識推以案
牘之歲月得其可見者自鄭至道而下纔二十
二人將礮石刻於聽事之左元吉方學邑於建

安從吾兄以問政因書其事以為題名之始云

仙居

僊居縣令聽辭記

方行可

台州之屬縣五僊居尤為古邑秦漢之交地空
於荆吳閩越之間西晉置郡稱臨海而縣名始
豐後析其南鄉別為縣曰樂安實東晉之永和
二年也仙居即樂安舊壤宋齊因之隋既吞陳
乃併為臨海唐一天下武德辛巳改郡為台州
縣仍隸焉至上元乙亥九十五年間并廢再

置且易曰永安而遷治孟溪即今縣舍也五季
不軌吳越僭擅專二浙之地縣與州俱溺焉皇
朝削平海宇蘇救疲瘵州治屬浙東觀察縣仍
治孟溪者尚名永安逮景德丁未四月詔改曰
仙居以其洞天名山屏蔽周衛而多神仙之宅
因以名焉民既康復日以繁富今則鄉大而戶
逾萬歲之常賦與夫苗役之息貫石足兩無慮
七萬其催呼期會輸入賦與先後不齊繼之

平決枉直應奉符檄矧復宣上之澤達下之情
一繇乎縣之令令之職重於古今也蓋以此夫
邑之治否繫民之休戚在乎令之才不才然其
所以為治一於奉朝廷法而所施之術則不同
大槩通才明識持以至公則教行令孚政成之
速不然則嗷嗷之口豈易防遏耶新昌石君來
令於此未幾而頗多豫暇於是稽版籍之簽書
推而正之至於端拱令凡二十有九員端拱而

上無從而考景德四年以來為仙居者又得其
始至與夫代去之歲月各從而書之刊于辟石
嗚呼諸公之名久塞而遽通昔晦而今顯由吾
石君以發揚之也

仙居縣題名記

許景龍

令僻有記所以紀遠近別同異而治政之能否
遺愛之淺深可不須而自見也仙居舊有題名
繇端拱以來凡九十五人中更兵盜自何中以

下不得其到罷歲月者十有三猶闕疑以待知
者遺墨所存將浸就漫泐大懼不足水其傳余
將代去迺亟伐石更刻使行列相從粲然可觀
嗚呼三百年間善政有足稱紀殆不一二而邑
人相與祠祝之者密學陳公而已然則令茲邑
者陳公其標準歟余故表而出之且以自警

仙居縣重修丞廳記

趙善宿

安州長貳之居古傳伉壯遭煨燼餘惟長所剏

幾古貳以佐官略於籌遠僦工輸才取具一時
規模湫隘繞半故基耳中更繕修亦復因陋就
簡隨治隨圯震凌不支嗟夫事土木殫功役固
非為政者宜先然蒞官之所視漏弗填視傾弗
持斯豈人情也耶政三歲一更僕公一歲官微
事簡思無以遺後龜日鳩工制不踰度役不淹
時合內外而一新之茲非為身計始以貽將來
云

僊居縣重修尉聽記 俞建

丹丘列邑凡五僊居雅號簡靖然勾稽巡徼共
二視他邑獨旁午居官者認認犇命疇暇過土
木而問錢君子立繇壁水擢太常第英粹恢裕
不卑其官敏以濟恪事修政舉庀職之又明年
顧聽事撓敝欲壓創始宣和今垂百禩紹興丙
子小嘗繕葺寢復四紀繼者憚費忽傾謾弗訾
省子立從容諭邑大夫林君岳曰竭來充位再

赤城集卷四
稔閱朞月即踐更宦游素諱營創矧氣力差卑
敢犯不韙徒念錄錄塵埃蔑主忝禪縣官此屋
不修且壞誠不忍索後人寸鏹粒粟縱乏敢或
一毫蠹民寧輟己不靳易腐苴罅儻文永久吾
心庶幾焉邑大夫嘉其言而縱史之謂愒日浮
食逆施尸厥官舉世總總子立問津青冥慨然
自詭為來者地端未多見迺率先捐錢五萬佐
費子立復捐俸繼焉木取之官山他費率視市

直隨給工徒就募計日疇予棟幹之蠹敗尾不
之闕裂悉易新之東有老屋三楹隳仄架甚併
復增葺闕壯加昔合其費實半鼎創輪奐飛峙
丹堊照映經始於中夏之旬有七日不匝月斧
斤即工役成而民不知過者交口歎羨寧知子
立丹有餘地茲特經畫之瑣瑣者歟夫擾不及
民仁勞已佚人義役不淹時智為人所難勇捐
俸克費廉疊是五者可書不可書子立名撫家

携李余里人也

簿職勾稽上而臺寺監下而縣崇庫雖異責成

之意畧等縣隘或不具官尉共二尉逐逐警邏

無寧曷自抃弗贍又分其力於簿簿責未必塞

併與尉事漫弗理近制簿不檄委督覈不同他

曹僊居縱號清簡無簿得乎前郡守李公廉奏

置簿於戊辰官具而解猶闕越四年趙君彦僭

來傲舍隘陋不堪着足得舊營廢址屋之簿有

解自君始寸甍弗思微民暮年班輸僞工羣飛

翼翼士民創見率譽其才余告之曰子居官而

不治其舍耻也治舍而或尸厥官亦耻也子奉

職以勤恪聞昕暮坐曹無曠事是能治其官如

法舍矣事固有大于簿者孜孜振飭眎今所立

不既多乎落成請記就以勉之

青田縣知縣

寧海知縣題名記

樓府

政和六年余自連山儀曹用還堂闕改差四明
儀曹掾是歲孟秋假道茲邑遇青田劉侯倚友
之為丞也宣和二年自明州昌國縣令改秩堂
除越州賒姚縣東歸待次是歲季秋假道茲邑
遇劍川沈侯賢佐之為宰也二侯鄉曲親故皆
得以賓禮敘舊每遇僧坊一宿而邁見其市井
蕭條人物稀鮮官舍卑陋山嶺崎嶇無一事之
可人意誓斷不復過此洎克賊殄滅汎海之官

至越而舊物已為有力者奪徘徊未知所向朝
廷不忍無罪報罷忽降御筆易地於茲顧雖有
平昔誓斷之言而君命不敢遂遂以宣和三
年季冬廿六日赴上始即輿席竊歎三至皆有
為焉治事旬浹四壁蕭然獨有題名一記以木
為之龕于聽角余又嘆前賢製此將以為名也
殊不思邑之窮僻既不足以得名木之易朽又
不足以久其名政宜付樵蘇不若已之之為愈

逮攷其姓氏同業梓者二人楊光祖有雅故者

三人呂廉卿孫大廉教知言常半面者三人史邈穀李陳預或以

政事稱或以文章顯其聲稱籍甚固不俟龜跗

玉箸已自流傳於無窮矣然念古人好名尚有

沉碑江水俟千歲之後谷變為陵庶幾可見余

又安敢以邑之窮僻木之易朽以廢前賢為名

之心哉於是磐石移刊以成其美

寧海縣尹題名記 吳子良

寧海令題名記不知始何時宣和間樓府為記

稱始錄以木更用石焉然頗以并聚僻寂小其

縣寶慶二年冬會稽王君至僻寂者漸稠密矣

君顧謂縣當問民俗不但誇并聚民俗厚雖僻

寂未宜小民俗薄雖稠密未足誇也寧海之民

力耕釣安賦輸見謂勤朴於今尚爾意其在宣

和前未接京邑華靡事其俗之厚無疑矣而可

以僻寂小之哉然今既漸稠密亦漸熾於爭蓋

地迫山海產慳食畜有足憫者未可遽咎其俗之薄也且人情本尚平縱趨險可復御以險乎人情本尚易縱趨難可復御以難乎自是潔己究民隱每黎明達分夜甲是乙否語同家人所與奪一於理義威術弗仗也聽之東有堂老幾什算之如新榜平易以見其志既又謂題名雖更用石刻亦磨漫不可讀別市石重刻之增本朝而上三人焉曰劉穀曰陳仲通仕梁唐夙蹟

不大著曰陳長官名莫詳矣而知其仕吳越吳越議增賦上書死爭以免由是觀之果援其民以避險難千載詎終泯耶今石之上名氏班班苟過其下一二數孰為追繼陳者孰為遠愧陳者有聳慕而遐思有怒背而切齒蚩氓得以肆臧否賤隸得以公賞誅可畏而不可誣也式勸式戒具茲石焉然則以僻寂小其縣民之望於令者安在以平易孚其俗君之望於後者有竟

乎君名準字端已遂初先生之次子於是世其家矣

寧海縣丞聽辭記

劉倚友

崇寧甲申大觀戊子是邑兩置丞職皆踰年詔罷政和壬辰丞職復置余以初第承乏茲任前此雖越兩政皆以中廢而公辭不克治余至則僦舍編民隘陋苦之既而得地於縣之西隅以歲在癸巳九月經營越明年正月告成址而柱

者凡二百二十有二也木稱是又闢縣之垣以跨橋曰通德因聽之餘以構堂曰松吟亦足以資出入燕息之便也一日落成士民縱觀有驚眙夸睨若見賞者有俯眉顰語若見勞者又有欲笑而頤不辭欲言而聲不揚若見誚者夫見賞者余知其樂此基構之成也見勞者余知其卹此造為之勤也求其見誚者不可得竊思之固有在矣得非謂仕宦所寓比傳舍為稍久今

基構造為之功非不知其備且至也然斧墨未
乾爨突未黔代者告至徒役役為後人資耳况
繼而居者未必察察而未必德也雖然彼見誚
者固有理而所以誚者乃余志也士之有為於
世者期以身任天下之重要皆使人入獲安利
而後已况朝夕從事無非盡其所以為人者於
一室勞佚又何較焉若夫察與不察德與不德
尤非所問也雖然繼是居苟能壞者思完弊者
思新毋頽我窳庸毋毀我器用毋以一時苟簡
而忘後人長久之利使向之見誚者於余心為
無媿亦仁人之賜也因其落成故序此以俟賢
者

寧海縣主簿聽辭記

李知微

設官分職各有攸司自一命而上至于天子之
大吏繇簿書期會達而至於坐而論道俾各務
其官而修其方用志不分若將終身則事無有

不舉而民無有不理雖至於大治可也仲尼覆
生之器祭必先於簿正迨俗化陵夷乃有高士
不為主簿之說余嘗疾之寧海亦萬家之邑官
簿散脫為甚盜而去之者家日以益裕而名存
實亡者致無以自給今欲一釐正之使黠吏不
得竄跡於其間而良民受其賜不在勾稽之職
乎主簿栝蒼陳公儒家者流沉静端敏蒞事茲
久官修道行廼以璧記之闕一朝作新命知微

記著歲月故因述其說如此異時必有指是刻
而相告曰自某充是官而籍之散忘愈甚也自
其善其職而散者因以復合也則斯記之設豈
無所取云爾哉矧歷年于茲故多聞人則揭而
著之以示不忘茲亦後來者之責也陳公名雅
蓋學校舊人今所可得而記者僅二十有三人
云

寧海縣新建衙樓記

錢惟演

古者即官出宰雖班有土之權縣令得人自契震雷之象所謂子男之國實為父母之邦其政不得不修其門不得不壯是故義經設位式著乾坤之名老氏垂文亦陳道義之說蓋以限閩域於內外順闔闔於往來其或肇創重樓齊列大道斯又為一時之輪奐使百世之謳謠者也當邑漢會稽之回浦鄞二縣地也後漢改回浦為章安晉孝武太元二年分鄞章安戶置之唐

武德中改海州為台州寧海屬焉自開皇迄唐大曆其間興廢靡定遷改不常圖牒具存斯不復載春惟靈壤實曰奧區地接天台路連石姥時生英秀代出神僊一泓桃源阮肇舊遊之勝境千尋瀑布興公作賦之鄰邦自武肅有國縣署之前本無崇制門闔之設止乃平居浸歷歲華率皆頽毀梁柱悉蠹陶甃不完風雨雪霜藥櫃莫庇皇上耕籍之年秋八月我武寧章公來

亦城卷四 十九
蒞是邑性博寬裕動合典常專文學之科預英
雄之選以詳雅鎮俗以惠愛字民雖位屈於十
銓而利均於子室下車數月布政多閒睇廣廈
以爰周歎開閔而未備有邑人陳繼安暨鄉鄙
耆艾等列狀獻誠願謀新作既輿情之允洽豈
人欲之可違公察以由衷聿從其志故冬十有
二月因農之隙庀徒以時大則輸梁棟之材小
則致榱桷之用官無驥歛民皆義從押錄薛宗

等夙事公庭恪居吏局共謀撲斲盡瘁勤勞而
果從隨上下胥樂一心衆力百倍厥功景祐改
元門與樓成軒檐半空烟霄咫尺欒栱交結丹
漆相鮮晴曦下照於觚棱翠巘四圍於爽塿雙
扉洞啓宜駟馬之並驅層構鼎新若蜃雲之擎
出華不極侈倫皆中規仰之彌高觀者如堵翌
日公乃謂監榷侍禁王君贊府評事 君曰我
之政必葺幸已成矣豈非由能幹之宏假通明

之奧思以茲公共成此門不然則何以致累任
之闕一旦而備宜乎張絲竹羅樽俎會同僚登
是樓而凭之遠可以觀耒耜之勤近可以採風
俗之語比夫庾元規之登望王仲宣之銷憂彼
皆賞翫物象娛悅情興不足同年而道耳於戲
斯邑也初置近數百年斯門也朽腐知數十載
是邑之民得不思經度乎所以然者蓋以待明
公而作之庶播其芳風者哉余受代葵丘經游

花縣俾茲撰述靡容固讓敢以直書是歲五月
二十有七日記

赤城集卷之四終

赤城集卷之四 然則何以致其任

是橫而能之速可以觀矣和之勤近可以採風

俗之語比夫庚元規之登望王仲宣之銷憂彼

皆賞說物象娛悅情興不足同年而道耳於戲

斯也初置正數百年斯則已初者知數十載

二十而女自請

外編野然野然

谷國



